

tionem diversam ab electione, & personis Diffinitorum, sicuti ordinationes prefate Congregationis Gallicane innuunt; attamen major pars dicti postremi Capituli Provincialis censuit, ipsum Custodem cum Diffinitoribus promiscue confundendum, & solo Deputati nomine ab iis distinguendum esse, contra usum a pluribus annis vigentem in altera Provincia Sancti Elzearii ejusdem Congregationis Gallicane, in qua Custos distinctim a quatuor Diffinitoribus deligitur; & quia Diffinitorium ipsius Provinciae Lugdunen. duobus Vocalibus, nempe ex-Ministro Provinciali, & Custode distincto a quatuor Diffinitoribus contra jus exinde privari credebatur, illudque tribus dumtaxat Diffinitoribus contra dispositionem dictorum statutorum constabat, si Custos quatuor Diffinitoribus adnumerandus erat, idem Vincentius horum duobiorum solvendorum causa ad dilectum filium Ministrum Generalem Ordinis Fratrum Minorum ipsius Sancti Francisci de Observantia nuncupatorum ad prescriptum Constitutionum dicti Ordinis occurrente occasione alicujus dubitationis recursum habuit, qui respondit ad primum, Quod moriente ultimo ex-Ministro Provinciali subrogari debeat alter, qui antea fuerit immediate Minister itidem Provincialis, habeatque eorum consultivum, decisivum, a que electivum in omnibus congressibus Diffinitorii; & si aliquis e quatuor Diffinitoribus decedat, subrogetur unus pariter ex Ministrorum Provincialium, quatenus jam non habeat vocem in Diffinitorio; & si habeat, vel desint Patres hujusmodi, tunc subrogetur antiquior ex Diffinitoribus habitualibus atque si eatenus nulla facta fuerit subrogatio, imposterum hoc modo facienda & observanda esset: Ad secundum vero, quod quamvis liberum sit eligere vel non eligere Custodem, conveniat tamen cum deinceps eligi distinctum a quatuor Diffinitoribus: itque iuribus & privilegiis, ceteris Custodibus concedi solitis, frui debeat, votum habens in congressibus Provincialibus, & in Capitulo Generali, ut Vocalis admissibilis sit cum Ministro Provinciali, & non unus ex quatuor Diffinitoribus, qui locum Custodis tenere possit, quemadmodum deliberatum fuerat.

Ministri Generales

§. 2. Cum autem, sicut eadem expositio subjungebat, ipse Vincentius plurimum cupiat, enarratam Ministri Generalis Sententiam, pro firmiori illius subsistentia & exactiori observantia, Apostolica confirmationis nostre patrocinio committere, & opportune in premissis, ut infra, a Nobis provideri; Nos dictum Vincentium specialibus favoribus & gratiis prosequi volentes, & a quibusvis excommunicationis, suspensionis, & interdicti, aliisque ecclesiasticis sententiis, censuris, & poenis, a jure vel ab homine quavis occasione vel causa latis, si quibus quomodolibet innodatus existit, ad effectum presentium dumtaxat consequendum harum serie absolventes, & absolutum fore cientes, supplicationibus, illius nomine Nobis super hoc humiliter porrectis, inclinati, de venerabilium Fratrum nostrorum S. R. E. Cardinalium,

negotiis & consultationibus Episcoporum & Regularium prepositorum, qui relationem dilecti etiam filii Procuratoris Generalis secundodicti Ordinis sibi super premissis factam attenderunt, consilio, prefatam Ministri Generalis Sententiam super duplici Dubio hujusmodi auctoritate Apostolica tenore presentium approbamus & confirmamus; illique inviolabilis Apostolica firmitatis, ac interpretationis predictorum statutorum vim, & efficaciam injungimus; necnon Diffinitorium Provinciale ejusdem Provinciae Lugdunen. ad septenarium numerum Vocalium, eis sicut premittitur, convenientem, harum serie restituimus & reintegramus. Præterea auctoritate & tenore prefatis volumus & statuimus, ut defuncto ultimo Ministro Provinciali in dicta Provincia Lugdunen. ex tunc & usque ad proximum futurum Capitulum Provinciale inclusive subrogatus censetur sub titulo & iuribus Ex-Ministri Provincialis is, qui immediate ante defunctum, ab Officio Provincialatus absolutus, & extra Diffinitorium Provinciale reperitur; quo vero ad Custodem prefatum, servata imposterum in electione eorum, qui ad Capitulum generale deputandi erunt, dicti Ministri Generalis sententia, deputatio facta a postremo Capitulo Provinciali vim habeat pro hac vice tantum, in iis, quæ eidem sententiæ non adversantur; Ita quod sic deputatus, aut in ejus locum subrogatus, in sua deputatione vel subrogatione valide, sed cum titulo Custodis, & saltem iuribus Diffinitorum usque ad proximum Capitulum Provinciale permaneat; utque numerus quatuor Diffinitorum, a Custode distinctorum, ex nunc usque ad dictum proximum Capitulum Provinciale inclusive compleatur; adjungatur pro hac vice quartus Diffinitor tribus aliis jam ab ipso postremo Capitulo Provinciali electis præter eundem Custodem, sive Deputatum secundum leges deputationis per literas Apostolicas in suo vigore persistentes in casu obitus Definitorum prescriptas, perinde ac si quartus Diffinitor ad Capitulum Generale deputatus decisset.

Confirmatio Apostolica

§. 3. Decernentes, easdem presentes literas semper firmas validas & efficaces existere & fore, suosque plenarios & integros effectus sortiri & obtinere; & ab illis, ad quos spectat & pro tempore quocumque spectabit, in omnibus & per omnia inconcussè observari, illisque respective plenissime suffragari; sicque in premissis per quoscumque Judices ordinarios & delegatos, etiam Caularum, Palatii Apostolici Auditores, judicari & definituri debere; ac irritum & inane, si secus super his a quoquam quavis auctoritate scienter vel ignoranter contigerit attentari.

Harum Literarum firmitas

§. 4. Non obstantibus premissis, ac Constitutionibus & Ordinationibus Apostolicis, necnon, quatenus opus sit, Ordinis, & Provinciae Lugdunen. hujusmodi, etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & literis Apostolicis, in contrarium premissorum quomodolibet concessis, confirmatis, & innovatis;

Obstantium derogatio

§. 5. Qui-

§. 5. Quibus omnibus & singulis, illorum tenores presentibus pro plene & sufficienter expressis, & ad verbum insertis habentes, illis aliis in suo robore permanentibus, ad premissorum effectum hac vice dumtaxat specialiter & expresse derogamus, cæterisque contrariis quibuscumque.

Datum Romæ apud Sanctam Mariam. Majorem sub Annulo Piscatoris die 22. Junii 1733. Pontificatus Nostri Anno Tertio.

F. Card. Oliverius.

XCVIII.

Dat. die 30 Junii 1733. Pont. An. III.

Lis omnis inter Clericos Regulares Societatis Jesu, & Pauperes Matris Dei, a Scholis Pii denominatos, de gravioribus scientiis Vinarum ab utrisque publice tradendis oborta, ad Sedem Apostolicam advocatur, & extinguitur, ac alia hac de re a Sanctissimo Domino Nostro edita Constitutio confirmatur.

Constitutionem hic laudatam, qua Pauperibus Matris Dei Scholarum Piarum facultas assignatur graviores tradendi scientias, legere est superius nu. XXXI. pag. 175.

CLEMENS EPISCOPUS

Servus Servorum Dei.

Ad perpetuam rei memoriam.

Summi Pontificis est lites inter ordines religiosos dirimere.

Pontificalis officii nostri esse debet, lites, & invidiosas contentiones inter quoscumque supremæ curæ nostræ subiectos, ac præsertim Ordines religiosos interdum obortas, dirimere, ut charismata meliora æmulantes, unâ omnes in Vineam Domini laborare satagent, ac proximum salutem, rectæque institutioni laudabilem, & Dominicæ mercedi dignam, operam dare non cessent.

Inter Clericos regulares Societatis Jesu, & Pauperes Matris Dei a Scholis Pii denominatos de tradendis publice scientiis contentio Vinarum oborta.

§. 1. Quum itaque, sicut accepimus, postquam Anno Domini MDCCXXIII. seu alio veteri tempore, Congregatio dilectorum filiorum Clericorum Regularium Pauperum Matris Dei, qui a Scholis Pii denominatur, in Vilensem Civitatem canonicè introducta fuisset, a dilectis quoque filiis Clericis Regularibus Societatis Jesu, qui Universitatis studii generalis seu publicæ Achademie Vilenensis curam gerunt, non licere ibi cuiquam extra eandem Universitatem sive Achademiam eminentiores disciplinas & scientias adolescentibus tradere, propterea non posse jam dictos Clericos Regulares publicas scholas ibidem aperire, prætextum fuerit; hujusmodi prætextibus in Congregationem Sanctæ Romanæ Ecclesiæ Cardinalium; negotiis & consultationibus Episcoporum & Regularium prepositorum, e quorum numero Nos ipsi tunc eramus, ab utraque parte deductis, eadem Congregatio Cardinalium die vigesima septima mensis Martii Anni Domini MDCCXXVII. referente dilecto filio no-

stro Nicolao Sanctæ Romanæ Ecclesiæ Presbytero Cardinale, Spinula nuncupato, decreverit primodictis Clericis Regularibus licere aperire scholas juxta modum dumtaxat, scilicet inferiores, pro pueris pauperibus, gratis & sine ullo stipendio imbuendis in primis elementis, grammatica, computo, & præcipue in bonis moribus, & fidei catholice rudimentis, ad formam literarum Apostolicarum sel. record. Pauli Papæ V. Prædecessoris Nostri, quæ incipiunt: *An eas interdita quaestione, & amplius causam non debere proponi* censuerit, & piæ memoriæ Benedictus Papa XIII. etiam Prædecessor Noster decretum prædictum per suas literas Apostolicas sub annulo Piscatoris in forma Brevis die decima septima mensis Martii insequentis Anni MDCCXXVIII. expeditas, Apostolica auctoritate confirmaverit atque adprobaverit, prout in decreto ac literis ejusdem Benedicti plenius & uberius continetur.

Particulari Card. C. n. gree. examinanda confirmata.

§. 2. Deinde vero Nobis divina favente Clementia, ad Beati Petri Sedem evedis, cum innotuisset, varias, interque se discrepantes sententias ac voces percrebuisse de proprio officio, præcipuoque instituto primodictorum Clericorum Regularium, super modo & ratione instituendi adolescentes, eorum curæ commissos, eosdemque in scholas recipiendi, de que Statuta a piæ record. Gregorio Papa XV. etiam Prædecessore Nostro, confirmatis & approbatis, ac de complurium aliorum Romanorum Pontificum tam sub plumbo quam sub Annulo Piscatoris, in dicta forma Brevis, pro dictis Clericis Regularibus Pauperibus Matris Dei, editis literis Apostolicis, & præcipue eorundem Pauli, Gregorii, & Urbani VIII. Alexandri VII. Clementis IX. & Clementis X. etiam Romanorum Pontificum Prædecessorum Nostrorum; Nos quascumque controversias & dissensiones, ex statutorum & literarum Apostolicarum hujusmodi vario sensu ortas, & tunc fortasse orturas, pro nostri Apostolatus munere de medio tollere volentes, particulari Congregationi Venerabilium Fratrum nostrorum Sanctæ Romanæ Ecclesiæ Cardinalium, videlicet bonæ memoriæ Prosperi Marefuschii, eorundem primodictorum Clericorum Regularium Matris Dei Protectoris, Leandri de Portia, ac Petri Aloysii Carafa, ad rem maturo consilio examinandam, tunc per Nos Apostolica auctoritate prædicta instituta, & prævis facultatibus necessariis instructa, commiserimus & mandaverimus, ut de omnibus & singulis tam in forma Brevis, quam sub plumbo, ut præfertur, expeditis, primodictisque Clericis Regularibus respicientibus, Apostolicis literis ac statutis prædictis mature perpensis, in subsequencia capita sedulo inquirerent.

Puncta examini tradita.

Primo nimirum, An prædictis Clericis Regularibus Pauperibus Matris Dei in suis publicis scholis, præter scribendi legendi & computandi regulas, atque etiam grammaticen, scientias majores tradere liceret.

Secundo, An ipsi ad easdem suas scholas pueros etiam Divites, Nobilesque admittere possent.

Ter-

Tertio, An in suam curam & regimen juvenum Collegia, Seminaria, & Convictus habere itidem possent.

Quarto quaesitum est, An privilegium Apostolicum eis foret concedendum, ut regulares domos sine aliorum Regularium consensu, condere possent, ubi tamen eis pro numero a Constitutionibus Apostolicis praefixo Religiosis alendis sufficientes reditus citra mendicandi & quaerendi necessitatem alias suppeterent: quumque Congregatio particularis, praedicta die XIII. mensis Aprilis Anni Domini MDCCXXXI. habita, praemissis omnibus, quemadmodum praeceramus, diligenter inspectis & ponderatis, nemine discrepante, in hanc resolutionem uno ore deveniret, scilicet:

Responsiones.

Ad primum, Clericos Regulares Pauperes Matris Dei, qui a Scholis Piis denominantur, teneri prima rudimenta Catholicae Fidei, grammaticae & computorum regulas tradere adolescentulis ad formam Constitutionum Ordinis sui: licere etiam eisdem Scientias Majores in suis publicis Scholis tradere, dummodo tamen apud eos Constitutiones Ordinis quoad scholas minores ferventur.

Ad secundum, eosdem Clericos Regulares teneri admittere pueros pauperes, & licere eis admittere pueros Divites, & Nobiles.

Ad tertium, posse ad formam Capitulum Generalium.

Ad quartum, pro gratia privilegii eis concedendi responsum fuit, ad formam scilicet Indulti fel. record. Praedecessoris Nostri Clementis Papae IX. Fratribus Excalceatis Ordinis Beatae Mariae Virginis de Monte Carmelo, concessi die sexta Octobris Anni MDCLXVIII.

5.3. Relataque Nobis insequenti die per Venerabilem Fratrem Archiepiscopum Nazianzenum, Audito rem nostrum, quem Nos eidem Congregationi particulari Secretarium assignaveramus, resolutione hujusmodi, quascumque contentiones, discordias, & lites, si quae forsitan quomodolibet ubivis locorum super hujusmodi statutorum & literarum Apostolicarum interpretatione & vero sensu contra primodictos Clericos Regulares exorta, & coram quibusvis Judicibus introducta, & indecise pendere reperte fuissent, aut imposterum oriri unquam potuissent, ad Nos & Sedem Apostolicam advocantes, ac penitus suppressantes & extinguentes, ac super eis perpetuum silentium imponentes, Motu proprio & ex certa scientia, ac de Apostolica potestatis plenitudine nostris, resolutionem seu decretum superius expressum & enunciatum, ut deinceps semper & perpetuo vigeret, & ubique locorum a primodictis Clericis Regularibus, illorumque Praeposito & Procuratore Generalibus, caeterisque Superioribus & personis quibuscumque observaretur, dicta Apostolica auctoritate perpetuo confirmaverimus & approbaverimus; & ne imposterum quicquam ubivis locorum & gentium contra praemissa novas controversias & dissensiones excitare, primodictisque Clericis Regularibus

de his molestiam aliquam inferre auderet, quae a dicta Congregatione particulari explicata & resoluta fuerant, & a Nobis approbata, dictaque resolutione seu decreto continebantur, statutorum & literarum Apostolicarum tam sub plumbo quam in forma Brevis hujusmodi, esse verum, germanum, sincerum & indubium sensum; idque omne a quibuscumque etiam speciali nota dignis, & vigore Constitutionum Apostolicarum, nostrarumque & Cancellariae Apostolicae regularum, specialiter & individue exprimendis, etiam dictae Sanctae Romanae Ecclesiae Cardinalibus, locorum Ordinariis, ac quorumvis Ordinum, etiam Mendicantium & Militarium, necnon etiam Congregationum quarumcumque aliorum Clericorum Regularium, etiam Societatis Jesu, & cujusvis alterius regularis Instituti personis Regularibus omnino servandum esse: neque eisdem statutis & literis Apostolicis superius expressis ullam aliam interpretationem tribui posse, neque primodictis Clericis Regularibus ex suis statutis, literisque Apostolicis, iisdem concessis, praesertim dicti Pauli V. Praedecessoris, Scientias Majores profiteri unquam interdictionem & vetitum fuisse; immo etiam in suis publicis Scholis easdem Scientias Majores adolescentibus cujuscumque ordinis & conditionis tradere & praeregere licuisse & licere, Apostolica auctoritate praedicta decrevimus & declaravimus, prout in nostris desuper sub datum Romae apud Sanctam Mariam Majorem anno Incarnationis Dominicae MDCCXXXI. Kal. Maji Pontificatus Nostri Anno Primo vulgatis, incipientibus: *Nobis, quibus, literis, etiam plenius & uberius continetur.*

5.4. Et licet primodicti Clerici Regulares, quibuscumque dissensionibus & controversiis per Nos, ut praefertur, de medio sublatis & suppressis, Scientias Majores adolescentibus cujusvis conditionis & ordinis ubique locorum publice & libere tradere posse sperarent; nihilominus ob praetensum extraordinarium ab Universitate seu Achademia Vilnensi praedicta recessum (ut asserbatur) plurium adolescentium, liberalibus disciplinis & scientiis operam navantium: illorumque ad Scholas Pias, per primodictos Clericos Regulares in praedicta Civitate Vilnensi apertas & exercitas, accessum, pro parte Clericorum Regularium Societatis Jesu dictae Civitatis Vilnensis, praetendentium, dictas nostras literas eandem Civitatem Vilnensem minime comprehendere; & decretum, per Benedictum Praedecessorem jam memoratum, ut praefertur, confirmatum & approbatum, quasi per easdem nostras literas minime abrogatum, adhuc viribus subsistere, ac Universitati seu Achademiae praedictae, private quoad alios quoscumque, graviores scientias tradere competere, is & causa in partibus coram dilecto quoque filio & Sedis praedictae Nuncio nostro, apud Illustrem Poloniae Regem commorante inter dictos Clericos Regulares Societatis Jesu ex una, & primodictos Clericos Regulares ex altera partibus, super observatione memorati decreti introducta extitit: ac dictus Nuncius noster provide

Sententia S. S. coarctata.

Ac edita Constitutione.

Causa ad Nuncium Apostolicum delata.

Hinc Romam translata.

Congreg. Particularis Decretum.

Quod a Sanctissimo D.N. fuit confirmatum: Ac Nuncio Apostolico translatum.

Ab eo autem publicatum.

vide considerans, instantiam dictorum Clericorum Regularium Societatis Jesu adversus dictas nostras literas, motu scientia & potestatis plenitudine praedictis, ut praefertur, expeditas, esse promotam; ideoque super ea animum nostrum requirere existimavit: Nosque super hac re mature procedere volentes, eandem Congregationem particularem, videlicet Leandri & Petri Aloysii Cardinalium, & dilecti filii nostri Joannis Antonii dictae Sanctae Romanae Ecclesiae Presbyteri Cardinalis Guadagni, primodictorum Clericorum Regularium Protectoris, in praedicti Prosperi Cardinalis defuncti locum successi, assignato ei etiam dicto Nazianzeno Archiepiscopo in Secretarium, iterum institutum; illique Clericorum Regularium Societatis Jesu Civitatis Vilnensis, & Universitatis seu Achademiae hujusmodi privilegia, ac primodictum decretum, literasque Benedicti Praedecessoris pro ejus confirmatione, ut praefertur, editas hujusmodi, necnon rationes per eisdem Clericos Regulares Societatis Jesu in scriptis allatas, examinandi praecipuam curam commisimus. Et dicta Congregatio particularis die IX. mensis Septembris anni proxime praeteriti MDCCXXXII. auditis primodictis Clericis Regularibus, qui a Scholis Piis denominantur, ac mature rimata scriptura legali Universitatis seu Achademiae Vilnensis Clericorum Regularium Societatis Jesu, a praedicto Nuncio nostro transmissa, ac dilecto filio Procuratore Generali dictorum Clericorum Regularium Societatis Jesu requisito, consulendum esse Nobis, quod scriberetur per literas Secretariae nostrae Status eidem Nuncio nostro, decretum praedictum dicto Anno MDCCXXVII. in causa Vilnensi aperiitionis Domus & Scholarum Piarum emanatum, ac literas Apostolicas dicti Benedicti Praedecessoris super ejus confirmatione in forma Brevis, ut praefertur, expeditas, Non obitare primodictis Clericis Regularibus ad effectum aperiendi in Civitate Vilnensi Scholas Publicas, etiam Scientiarum Majorum, attenta Constitutione ac declaratione nostris praedictis sub die 1. Maji anno MDCCXXXI. emanatis, ad formam tamen ejusdem constitutionis: Neque constare de praetensa privata Universitatis seu Achademiae Vilnensis quoad scientias Philosophicas & Theologicas, etiam morales, aliaque etiam inferiores, censuit: Factaque deinde per dictum Archiepiscopum eadem die IX. Septembris de hac ultima resolutione, seu decreto praedictae Congregationis particularis, Nobis relatione, illi benigne annuimus, atque ultimodictam resolutionem seu decretum pro ejus adimplemento, praedicto Nuncio nostro transmitti mandavimus: dictisque Nuncio nostro ultimo dictae resolutioni seu decreto sibi transmissis, ut par erat, inhaerens, illud non solum voce palam fecit, sed etiam scriptis prolata formali sententia, cujus tenor est: *Christi nomine invocato, pro Tribunali sedentes, Et solum Deum pra oculis habentes, per hanc nostram definitivam sententiam, quam in his scriptis serimus in causa & causis, qua primo & in prima coram nobis, seu alia veriori versa fuerunt*

Et vertuntur, instantia, inter Rev. P. Sebastianum a Sancto Stanislao, Procuratorem Generalem Causarum Clericorum Regularium Matris Dei Scholarum Piarum Provinciae Poloniae & Lithuania, nomine, de quo in Actis, actorem ex una: & Rev. P. Paulum Stylyewski, Procuratorem Generalem Causarum Provinciae Lithuaniae Societatis Jesu, nomine pariter, de quo in Actis, reum conventum ex altera, partibus, de super observatione & executione Constitutionis Sanctissimi Domini Nostri CLEMENS Papae XII. sub datum Kalendis Maji 1731. edita favore Clericorum Regularium Pauperum Matris Dei, qui a Scholis Piis denominantur, rebusque aliis, in actis causa & causarum hujusmodi, ad quae &c. dicimus, declaramus, & definitive sententiam, suprascriptam Constitutionem Sanctissimi Domini Nostri Papae ad literam, & prout sonat, fore, & esse exequendam, & in omnibus & per omnia observandam, prout per praesentes exequi & observari volumus & mandamus; signanter declarantes in casu, licuisse Clericis Regularibus Pauperibus Matris Dei, a Scholis Piis denominatis, Domus Vilnensis Publicas Scholas aperire, ac etiam licere Scientias Majores in praedictis suis Scholis publicis tradere, & in easdem pueros Nobiles & Divites admittere; & pro praemissorum effectu mandatum de exequendo, & aliud quodcumque, desuper necessarium & opportunum, decernimus & relaxamus, ac exequi volumus & mandamus &c. Ita pronuncians Ego C. Archiepiscopus Iconiense, Nuncius Apostolicus, lata, lecta, & publicata &c. Stephanus Skurczyrski Vicecancellarius. Insuper dicti Clerici Regulares Societatis Jesu praemissis minime acquiescentes, a Nuncio nostro ejusque sententia appellationem, quae ab eodem Nuncio, prout juris erat, rejecta fuit, ad Nos, & Apostolicam Sedem interposuerunt.

5.5. Nos igitur, qui quascumque contentiones & dissidia a religiosis Familiis amovere studemus, eorumdem Clericorum Regularium Pauperum Matris Dei, praecipue circa illorum Pias Scholas, in Civitate Vilnensi existentes, tranquillitati & quieti, quantum cum Domino possumus, consulere cupientes, eosque & eorum singulos specialibus favoribus & gratiis prosequi volentes, & a quibusvis excommunicationis, suspensionis, & interdicti, aliisque ecclesiasticis sententiis, censuris, & poenis, a jure vel ab homine quavis occasione vel causa latis, si quibus quomodolibet innodati existunt, ad effectum praesentium tantum consequendum, harum serie absolventes & absolutos fore censentes, ac litis & causae praedictarum inter utroque Clericos Regulares, olim, ut praefertur, pendendum, status & merita, & decreti dictae Congregationis praedictorum Cardinalium, negotiis Episcoporum & Regularium praepositorum, ut praefertur, emanati, ac literarum Apostolicarum dicti Benedicti Praedecessoris pro illius confirmatione editarum, & unius ac alterius Congregationis particularis praedictae resolutionum seu decretorum, ac nostrarum, per Nos, ut praefertur, editarum, ac Pauli Gregorii Urbani, Alexandri, & utriusque Clementis Praedecessorum praedictorum, primodi-

Max appellatum ad Sedem Apostolicam.

Summus Pontifex hujusmodi lites ad se advocat prolixo extinguit.

modicos Clericos Regulares quomodolibet respicientium, literarum Apostolicarum, ac statutorum hujusmodi, & quorumcumque in Capitulis Generalibus primodictorum Clericorum Regularium conditorum decretorum, omnium & singulorum tenores, etiam veriores, ac datas, presentibus pro plene & sufficienter expressis, ac de verbo ad verbum insertis habentes: necnon litem & causam hujusmodi per dictos Clericos Regulares Societatis Jesu contra primodictos Clericos Regulares, in Civitate Vilnensi commorantes, ut praefertur, introductas, quatenus opus sit, ad Nos & Sedem praedictam avocantes, illasque, & appellationem per eisdem Clericos Regulares Societatis Jesu, ut praefertur, interpositam, penitus & omnino extinguentes & suprimentes, ac super eis perpetuum silentium imponentes, motu proprio, & ex certa scientia, ac deliberatione Nostris, deque Apostolica potestate plenitudine decretum Congregationis eorundem Cardinalium, negotiis & consultationibus Episcoporum & Regularium praepositorum, ut praefertur, editum: & literas Apostolicas ejusdem Benedicti Praedecessoris super decreti hujusmodi confirmatione in forma Brevis confectas, ita ut illa impostum per dictos Clericos Regulares Societatis Jesu in quocumque iudicio, vel extra illud, nunquam deduci possint, dicta Apostolica auctoritate tenore praesentium perpetuo revocamus, rescindimus & abrogamus. Et ultimodictam resolutionem seu decretum per Congregationem particularem, ut praefertur, emanatum, & sententiam deinde per eundem Nuncium nostrum favore primodictorum Clericorum Regularium latam, auctoritate nostra perpetuo confirmamus & approbamus; illisque perpetuae & inviolabilis Apostolica firmitatis robur adjuicimus, omnesque & singulos tam juris, quam facti, & solemnitate, ac quocumque alios quantumvis substantialia defectus, si qui desuper quomodolibet intervenerint, in eisdem supplemus.

Ac priorem suam Constitutionem per Clericos Regulares Pauperum Matris Dei in de quibus constituitur.

§ 6. Ac de praesentia facultate Universitatis seu Achademiae Vilnensis publice docendi scientias majores privative quoad alios, minime constitisse, minimeque constare, & vigore dictarum literarum nostrarum: *Nobis*, quibus incipientium, primodictos Clericos Regulares, etiam in Civitate Vilnensi Scholas Publicas retinere: inibique Scientias etiam Majores adolescentibus cujusvis conditionis & ordinis tradere: ac etiam Collegia, Seminarium, & Convictus in suam curam & regimen recipere, Apostolica auctoritate perpetuo statimus & declaramus. Insuper eadem auctoritate, dictam nostram Constitutionem in reliquis ibidem expressis firmam, salvam, & illaem existere, & censeri debere, quoad omnia & singula, in ea in favorem dictorum Clericorum Pauperum Matris Dei contenta, confirmamus, & Vilnae, ac ubique locorum inviolabiliter observari mandamus: dictamque resolutionem & decretum Congregationis particularis, & memorati Nuncii nostri sententiam, ac praedictas nostras, praesentisque Literas, & in eis contenta & expressa, quaecumque, nullo unquam tempore de subre-

ptionis vel obreptionis, aut nullitatis vitio, vel intentionis nostrae, etiam ex eo, quod causa, propter quas praemissa emanarunt, coram Nobis vel alibi adducta, verificata & justificata, ac dicti Clerici Regulares Societatis Jesu civitatis Vilnensis, ac Universitatis seu Achademiae praedictae Rectores seu Conservatores ac Administratores & quicumque alii, in praemissis & circa ea jus vel interesse habentes, aut habere praetendentes, ad id vocati & auditi non fuerint, & consensum eisdem praemissis non praestiterint: aut alio quovis defectu, etiam quantumvis magno & substantiali, sive etiam ex eo, quod in eis solemnitate, ac quavis alia servanda & adimplenda, servata & adimpleta non fuerint, aut ex quocumque alio capite, etiam in corpore Juris clauso, & quovis alio praetextu vel causa, etiam quantumvis legitima iusta & privilegiata, ac publicum & commune bonum respiciente, quaeque ad effectum validitatis praemissorum exprimenda foret, notari, impugnari, invalidari, retractari, in jus vel controversiam vocari, ad viam & terminos juris reduci, aut adversus illas quocumque juris vel facti aut gratiae remedium, aut oris aperitionem impetrari: neque illas sub quibusvis similibus vel dissimilibus gratiarum revocationibus, suspensionibus, limitationibus, derogationibus, aut aliis contrariis dispositionibus comprehendere; sed semper ab illis excipi, & quoties illae emanabunt, toties in pristinum & validissimum statum restitutas, repositas & plenarie reintegratas, ac de novo etiam sub quacumque posteriori data per primodictos Clericos Regulares, a Scholis Pii denominatos, nunc & pro tempore existentes, quoad quocumque eligenda, concessas; illasque validas & efficaces fore & esse, suoque plenarias & integros effectus in omnibus & per omnia sortiri & obtinere, ac primodictis Clericis, nunc & pro tempore existentibus, in omnibus & per omnia plenissime suffragari: sicque, & non alias, per quocumque Judices ordinarios vel delegatos, quavis auctoritate fungentes, etiam Causarum Palatii Nostrae Apostolice Auditores, & dictae Sanctae Romanae Ecclesiae Cardinales, etiam de Latere Legatos, Vicelegatos, dictaeque Sedis apud dictum pro tempore existentem illustrem Poloniae Regem commorantes, aliosque Nuncios, & quoslibet alios, quavis auctoritate, potestate, praerogativa, honore & privilegio fungentes, sublata eis & eorum cuilibet quavis aliter iudicandi, definiendi, & interpretandi facultate & auctoritate, iudicari definiti & interpretari debere; & quidquid secus super his a quoquam quavis auctoritate scienter vel ignoranter contigerit attentari, irritum & inane decernimus.

Obstantibus derogat.

§ 7. Non obstantibus iis omnibus, quae Nos in eisdem nostris literis volumus non obtinere, ac Nostra & Cancellariae praedictae Regula de jure quaesito non tollendo, ac Constitutionibus & Ordinationibus Apostolicis, dictorumque Clericorum Regularium Societatis Jesu, ac Universitatis seu Achademiae praedictae, etiam juramento, confirmatione, Apostolica, vel quavis firmitate alia roboratis

tis, statutis, & consuetudinibus, privilegiis quoque indultis, & literis Apostolicis, de quibus omnibus, etiam si specialis specifica, expressa ac individua mentio habenda esset, dictis Clericis Regularibus Societatis Jesu, ac Universitati seu Achademiae hujusmodi, illisque Rectores seu Conservatores ac Administratores praedictis, aliisque Superioribus & personis quibuscumque aliis in contrarium praemissorum quomodolibet conceitis, confirmatis, & approbatis.

Clausula derogatoria.

§ 8. Quibus omnibus & singulis, quamvis pro eorum sufficienti derogatione de illis, eorumque totis tenoribus specialis, specifica, expressa, individua, ac de verbo ad verbum, non autem per clausulas generales idem importantes mentio, aut quavis expressio facienda, sive aliqua alia exquisita forma ad hoc servanda esset, illorum tenores his nostris pro plene & sufficienter expressis, ac de verbo ad verbum insertis habentes, illis aliis in suo robore permaneris, specialiter & expresse motu, scientia, deliberatione, & potestate plenitudine, ad praemissorum effectum dumtaxat, plenissime derogamus, & derogatum esse volumus, ceterisque contrariis quibuscumque.

Fides transcriptorum.

§ 9. Volumus autem, ut earundem praesentium literarum transumptis, sive exemplis, etiam typis impressis, manu alicujus Notarii publici subscriptis, & sigillo Personae in Ecclesiastica Dignitate constitutae, vel dictorum Clericorum Regularium Pauperum Matris Dei, qui a Scholis Pii denominantur, Praepositi Generalis munitis eadem prorsus fides in iudicio & extra adhibeatur, quae iisdem praesentibus, si forent exhibita vel ostensa, adhiberetur.

§ 10. Nulli ergo omnino hominum liceat, hanc paginam nostrae abolitionis, revocationis, rescissionis, abrogationis, approbationis, confirmationis, roboris adjectionis, defectuum suppletionis, statuti, decreti, declarationis, derogationis, & voluntatis, infringere, vel ei ausu temerario contraire; si quis autem hoc attentare praesumpserit, indignationem Omnipotentis Dei, ac Beatorum Petri & Pauli Apostolorum ejus, se noverit incursum.

Datum Romae apud Sanctam Mariam, Majorem Anno Incarnationis Dominicae millesimo septingentesimo trigesimo tertio, pridie Kalendas Julii, Pontificatus Nostrae Anno Tertio.

A. Card. Pro-Datarjus.

F. Card. Oliverius.

VISA

De Curia J. Archiepiscopus Ancyranus.

Loco * Plumbi.

D. Stivanus.

Registrata in Secretaria Brevium.

Fratres Congregationis de Carbonaria Ordinis Fratrum Eremitarum Sancti Augustini post studiorum cursum completum, & Theologiae lecturam, quinquennio peracto, habiles declarantur ad officia Assistentium, & Procuratoris Generalium.

Dat. die 4. Julii 1733. Pont. An. III.

CLEMENS PAPA XII.

Ad futuram rei memoriam.

§ 1. **E**Xponi Nobis nuper fecit dilectus filius Nicolaus Antonius Schiastinati Prior Generalis Ordinis Fratrum Eremitarum Sancti Augustini, quod per quosdam fel. record. Clementis PP. VIII. Praedecessoris Nostrae desuper in simili forma Brevis expeditas literas, & per alias similes a pia mem. Paulo PP. V. pariter Praedecessore Nostrae confirmatas, expresse cavetur, ut ad Assistentium Generalium ejusdem Ordinis officium, nisi illi, qui in quadagesimo saltem suae aetatis anno constituti, & Magisterii in Sacra Theologia gradu decorati sint, astantur; unde existimatur, a consecutione ejusdem officii Assistentis, & alterius Procuratoris Generalis Ordinis hujusmodi, Congregationem S. Joannis de Carbonaria dicti Ordinis, ubi dictus Nicolaus Antonius Prior Generalis viginti quinque annorum spatio commoratus fuit, exclusum remanere posse; eo quia in memorata Congregatione, tamen in ea, Religiosi perdigni, aliisque requisitis pro ejusmodi gradu obtinendo praediti reperiuntur, eis tamen Magisterii gradus conferri non consuevit.

Qui ad majorem Ordinis hujus officia vi Constat. Apost. promove vendi.

§ 2. Cum autem, sicut eadem expositio subiungebat, laurea Magistralis juxta statuta ipsius Congregationis, auctoritate Apostolica confirmata, non ob meritum deficientiam iis Religiosis minime permittatur, idem Nicolaus Antonius Prior Generalis, quo praedictae Congregationis Religiosi validius ad studia incitentur, animusque intendat, ac in perfecta vita communi vivere; necnon ad hujusmodi Officia elati, praestant eorum vitae exemplo ac scientia praedicto Ordini prodesse possint, opportune in praemissis a Nobis provideri, & ut infra, indulgeri summo opere desiderat; Nos ipsius Nicolai Antonii Prioris Generalis votis, quantum cum Domino possumus, favorabiliter annuere volentes, eumque a quibusvis excommunicationis, suspensionis, & interdicti, aliisque ecclesiasticis sententiis, censuris, & poenis, a jure, vel ab homine quavis occasione vel causa latis, si quibus quomodolibet innodatus existit, ad effectum praesentium dumtaxat consequendum, harum serie absolventes & absolutum fore censentes, supplicationibus, ejus nomine Nobis super hoc humiliter porrectis, inclinatis, illos Religiosos memoratae Congregationis S. Joannis de Carbonaria, qui studiorum cursum ad formam illius Constitutionum compleverint, & quinquennii spatio Sacrae Theologiae lecturam uti regentes

Declaratio, de qua in Rubrica.

tes in Monasterio prædicti S. Joannis peregrint, ad ejuimodi Assistentis Generalis, & Procuratoris Generalis officia, exclusio quocumque alio, qui inibi Regentis munus non exercuisset, dicta auctoritate tenore præsentium habitamus, ac habiles & capaces facimus & declaramus.

Præsentium Literarum observantia.

§.3. Decernentes, easdem præsentibus literas semper firmas validas & efficaces existere & fore, suosque plenarios & integros effectus sortiri & obtinere; ac illis, ad quos spectat & pro tempore quocumque ipectabit, in omnibus & per omnia plenissime suffragari, & ab illis respectivè inviolabiliter observari; sicque in præmissis per quocumque Judices ordinarios & delegatos, etiam Causarum Palatii Apostolici Auditores, judicari & definiti debere; ac irritum & inane, si secus super his a quoquam quavis auctoritate scienter vel ignoranter contigerit attentari.

Obstantium derogatio.

§.4. Non obstantibus præmissis, ac prædictis Clementis & Pauli Prædecessorum literis, aliisque Constitutionibus & Ordinationibus Apostolicis, necnon eorumdem Ordinis & Congregationis, etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & literis Apostolicis, in contrarium præmissorum quomodolibet concessis, confirmatis, & innovatis. Quibus omnibus & singulis, illorum tenores præsentibus pro plene & sufficienter expressis ac ad verbum insertis habentes, illis aliis in suo robore mansuris, ad præmissorum effectum hac vice dumtaxat specialiter & expresse derogamus, cæterisque contrariis quibuscumque.

Datum Romæ apud S. Mariam Majorem sub Annulo Piscatoris die 4. Julii 1733. Pontificatus Nostri Anno Tertio.

F. Card. Oliverius.

C.

Dat. die 23. Julii 1733. Pont. An. IV.

Confirmatur Decretum Sac. Congregationis de Propaganda Fide, quo Conventus in Provincia Sancti Francisci de Pacheca in Mexico Ordinis Fratrum Minorum ejusdem Sancti Francisci Discalceatorum deputatur pro Seminario Missionum in Montibus de Cimapan.

Benedictus XIII. anno 1727. Constit. dat. die 3. Aprilis confirmavit Decretum Congregationis Episcoporum & Regularium super Expositione Seminarium, de quo hic agitur.

CLEMENS PAPA XII.

Ad futuram rei memoriam.

§.1. Emanavit nuper a Congreg. Venerabilium Fratrum Nostrorum S. R. E. Cardinalium, negotiis Propagandæ Fidei præposita, ad supplicationem dilectorum filiorum,

Definitorum Provinciae Sancti Didaci in Mexico Ordinis Fratrum Minorum Sancti Francisci, Discalceatorum nuncupatorum, Decretum tenoris, qui sequitur videlicet.

Tenore Decreti S. C. de Propaganda Fide.

Decretum Sacre Congregationis Generalis de Propaganda Fide, habita die 6. Julii 1733. referente Eminentissimo & Reverendissimo Domino Cardinale Nicolao Spinola, libellum supplicem porrectum pro parte Definitorii Provinciae Fratrum Minorum Discalceatorum Sancti Didaci in Mexico, supplicantis, ut Collegium seu Seminarium Missionum erectum vigore facultatis sibi concessæ per Breve Apostolicum San. mem. Benedicti XIII. sub datum die 3. Aprilis 1727, & cum contentis Ordinarii in Conventu ejusdem Provinciae Sancti Francisci de Pacheca deputetur pro conversione Infidelium, signanter existentium in Montibus de Cimapan, locisque conterminis, in quibus usque adhuc nulla alia Missio fundata reperitur, cum potestate Sacras Missiones in prædictis Montibus erigendi ab eodem Collegio dependentes; utque omnibus ipsius Provinciae Sancti Didaci Fratribus districte prohibeatur transitus, nedum ad alias Provincias & Collegia Missionum regularis observantia, verum etiam ad Missiones Provinciae Discalceatorum Sancti Gregorii in Insulis Philippinis, absque peculiari & expressa hujus Sacre Congregationis licentia. Eminentissimi Patres audito super expositis Patre Procuratore Generali Discalceatorum & Recollectorum, in utroque benigne annuerunt, mandantque, ut Religiosi ad Missionarium munera in prædictis locis obeunda destinati pro necessariis facultatibus Dominum Archiepiscopum Mexicanum Ordinarium adire teneantur. Datum Romæ die & anno, quibus supra.

V. Card. Petra Præfectus. F. M. Riccardi Pro-Secretarius. Loco & Sigilli.

§.2. Cum autem, sicut pro parte eorumdem Definitorum Nobis subinde expositum fuit, ipsi, Decretum hujusmodi, quo firmius subsistat, Apostolicæ confirmationis nostræ patrocinio communiti, plurimum desiderant; Nos ipsos Exponentes specialibus favoribus & gratis prosequi volentes, & eorum singulares personas a quibuscumque excommunicationis, suspensionis, & interdicti, aliisque ecclesiasticis sententiis, censuris, & pœnis, a jure vel ab homine quavis occasione vel causa latis, si quibus quomodolibet innodatæ existant, ad effectum præsentium, dumtaxat consequendum, harum serie absolventes, & absolutas fore censentes, supplicationibus, eorum nomine Nobis super hoc humiliter porrectis, inclinatis, Decretum præinsertum auctoritate Apostolica tenore præsentium approbamus & confirmamus; illique Apostolicæ firmitatis robur adjicimus: talva tamen semper in præmissis auctoritate memoratæ Congregationis Cardinalium.

Apostol. reprobatur confirmatione.

Clausula.

§.3. Decernentes, easdem præsentibus literas firmas validas & efficaces existere & fore, suosque plenarios & integros effectus sortiri & obtinere; ac illis, ad quos spectat & pro

pro tempore spectabit, plenissime suffragari, & ab eis respectivè inviolabiliter observari; Sicque in præmissis per quocumque Judices ordinarios & delegatos, etiam Causarum Palatii Apostolici Auditores, judicari & definiti debere; ac irritum & inane, si secus super his a quoquam quavis auctoritate scienter vel ignoranter contigerit attentari.

§.4. Non obstantibus Constitutionibus & Ordinationibus Apostolicis, necnon, quatenus opus sit, Provinciae & Ordinis præfatorum, etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & literis Apostolicis, in contrarium præmissorum quomodolibet concessis, confirmatis, & innovatis; Quibus omnibus & singulis, illorum tenores præsentibus pro plene & sufficienter expressis, ac de verbo ad verbum insertis habentes, illis aliis in suo robore mansuris, ad præmissorum effectum hac vice dumtaxat specialiter & expresse derogamus, cæterisque contrariis quibuscumque.

Datum Romæ apud Sanctam Mariam Majorem sub Annulo Piscatoris die 23. Julii 1733. Pontificatus Nostri Anno Quarto.

F. Card. Oliverius.

CI.

Dat. die 24. Julii 1733. Pont. An. IV.

Decretum, ut deinceps Procurator Generalis pro tempore Congregationis Montis Oliveti insimul Abbas sit Monasterii Sanctæ Mariæ Novæ de Urbe.

CLEMENS PAPA XII.

Ad futuram rei memoriam.

Petitionibus innoxianibus.

§.1. Exponi Nobis nuper fecit dilectus filius modernus Procurator Generalis Congregationis Montis Oliveti Monachorum Ordinis Sancti Benedicti, quod mos est ipsius Congregationis, ut illius Procurator Generalis, expleto suo officio, Abbatiam Monasterii Sanctæ Mariæ Novæ nuncupat. de Urbe dictæ Congregationis obtineat sed plurimorum annorum experientia detexit varia incommoda, quæ ex divisione in duas personas officiorum Procuratoris Generalis, & Abbatis Monasterii hujusmodi proveniunt, imprimis verò si isti duo Superiores invicem haud convenient, prout sæpius accidit, religiosam pacem ac tranquillitatem inter Monachos præfatæ Congregationis non parum perturbant: didumque Monasterium, tamen annuis redditibus minime satis instructum, duplici dispendio pro eorum sustentatione onerari, quum ipsius Monasterii, illiusque necessitatibus, ac præfatæ Congregationis negotiis per unum ex dictis duobus Superioribus sufficienter provideri valeret, quemadmodum laudabiliter servari memoratur, tam in Conventu Sanctæ Mariæ de Pace Ordinis Canonicorum Regularium Sancti Augustini

Congregationis Lateranen., quam in Monasterio Sanctæ Crucis in Hierusalem, etiam respectivè nuncupatis de eadem Urbe Monachorum Ordinis Cisterciensis Congregationis Lombardiæ, ac servatum quoque fuit in ipsamet Congregatione Montis Oliveti anno 1693. quo tunc in humanis agens Abbas Joannes Franciscus Fossati Mediolanensis utroque munere Procuratoris Generalis, & Abbatis prædicti Monasterii Sanctæ Mariæ Novæ functus fuit; quibus accedit, quod parcendo sumptibus ejusdem Monasterii, melius constabiliri in eo posset Collegium Studioforum, ab universa Congregatione Montis Oliveti summo opere exoptatum, quorum vix quatuor nunc alere potest, idque eo seriùs considerandum venit, quod literarum studia Regularibus Institutis non solum splendore & ornamento, verum etiam ad eorum conservationem necessaria esse noscuntur; ea autem adhibita ratione, Juvenes Religiosi majori numero in idem Monasterium collocari, ibique educari valerent, qui, peracto in aliis dictæ Congregationis Montis Oliveti Monasteriis studiorum cursu, uberores in eisdem literis progressus pollicerentur: quique doctrina ac virtutibus super bonis Magistris ac Præceptoribus in eodem Monasterio apprime instructi magno usui & utilitati forent toti Congregationi prædictæ ad exercendam Curam Animarum, excipiendas Fidelium Confessiones, regendas Cathedras, & administranda gubernia, utpote munera, quæ viros scientia ac virtute præditos exposcant; Quibus omnibus per memoratum Procuratorem Generalem debite perpensis, ipse communis boni suæ Congregationis intuitu Abbatiam prædicti Monasterii Sanctæ Mariæ Novæ, post finitum officium Procuratoris Generalis, quo ad præsens fungitur, sibi obventura lubenti animo careret, juriq; sibi ad illam competentem cederet favore sui in Procuracione generali dictæ Congregationis successoris, si statueretur, ut imposterum utrumque officium Abbatis & Procuratoris Generalis istiusmodi in una eademque persona unitum ac consolidatum remaneret. Nobis propterea humiliter supplicari fecit, quatenus in præmissis opportune providere, & ut infra, indulgere de benignitate Apostolica dignaremur.

§.2. Nos igitur ipsius moderni Procuratoris Generalis votis hac in re, quantum cum Domino possumus, favorabiliter annuere volentes, eumque a quibuscumque excommunicationis, suspensionis, & interdicti, aliisque ecclesiasticis sententiis, censuris, & pœnis, a jure vel ab homine quavis occasione vel causa latis, si quibus quomodolibet innodatus existit, ad effectum præsentium dumtaxat consequendum, harum serie absolventes, & absolutum fore censentes, hujusmodi supplicationibus inclinatis, auditis jussu nostro super præmissis dilecti quoque filii Abbatis Generalis ejusdem Congregationis Montis Oliveti relatione ac voto, Abbatiam & regimen dicti Monasterii Sanctæ Mariæ Novæ Procuracioni generali ipsius Congregationis Montis Oliveti ex tunc, postquam modernus Abbas Monasterii præfati tempus sui regimini expleverit,

Concessio.